

Қиёматли дўст бўлиш нима?

15:34 / 24.04.2016 6446

Исломда Аллоҳ таолонинг йўлида дўстлашиш ва қиёматли дўст тутиниш бор, булар бир хил нарсами ёки бошқа-бошқа дўстликми? Бундай дўстликнинг шарт-шароитлари ва масъулиятлари ҳақида маълумот берсангиз. Қиёматли дўст биттами ёки кўпроқ ҳам бўладими?

ЖАВОБ: Аллоҳ йўлида дўстлашиш ва қиёматли дўстлар иккови бир хил дўстлик. Мўмин-мусулмонлар орасидаги дўстлик ва муҳаббат Аллоҳ учун бўлгандагина улар комил иймон ҳаловатини топадилар. Бу муҳаббат икки томоннинг Аллоҳга бўлган муҳаббатидан келиб чиққан муборак муҳаббатдир. Чунки уларни биродар қилган, дўстлаштирган зот Аллоҳ таолонинг Ўзидир. Шунинг учун ҳам мўминларнинг ўзаро муҳаббатлари Аллоҳ учун бўлмоғи лозим. Дунё ва унинг матоҳлари учун бўлган муҳаббат орқали ҳеч қачон иймон ҳаловатини топиб бўлмайди. Аллоҳ йўлидаги дўстлар қанча кўп бўлса, шунча яхши (Аллоҳ билувчидир).